



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Disp. VII. De Fruitione

[urn:nbn:de:hbz:466:1-77355](#)

rum unum per ordinem movetur ab alio, primum est CAVSA MOVENDI omnibus aliis. Et lib. 3. cap. 149. Motio moventis precedit motum mobilis RATIONE ET CAVSA. Motionem ergo præviam prioritate causalitatis & naturæ admittit D. Thomas, & non pure simultaneam & concomitantem. Unde si Cajetanus eam negaret, aperte S. Doctori contradiceret, quod de illo existimandum non est, sed potius dicendum, ipsum excludere tantum motionem præviam, quæ sit tota ratio agendi, & tollat cooperationem causæ secundæ, vel quæ sit prior non solum prioritate naturæ & instantis à quo, sed etiam prioritate durationis & instantis in quo.

Quantum vero ad Dominicum Soto, quem B Adversarij primæ magnitudinis Thomistam appellant, adhuc evidenter est, ipsum stare pro nostra sententia, & physicam præmotionem docere. Nam libro citato de natura & gratia cap. 16. sic ait: *Dum liberè moveor, possum in sensu diviso non agere, & tunc cessabit concursus Dei, tametsi in sensu composito contra se invicem pugnent, Deum agere erga me actione illâ, & me non agere. Quæ de nulla motione, nisi physica & per se efficaci, intelligi possunt: non enim repugnat quod motio, quæ dependet quoad suam efficaciam à consensu liberi arbitrij, & quantum est de se, est solum indifferens, sit in libero arbitrio, & quod cù libertas non utatur. Nec dicas cum Petro à S. Joseph, itud explicandum esse de motione simultanea, quam repugnat esse, nisi etiam simul voluntas concurrat: se enim loqui de concursu prævia expressè indicat Soto, dum ibidem addit: Non est dubium quin concursus Dei comitur, ut aiunt, actionem, & sit nihilominus cunctumque causa secunda requisitus ad agendum, inò vero & NATURA PRÆREQUISITVS. Et rursus, loquens de actibus nostris liberis, ait: Non prius tempore à Deo quam à nobis, sed simul à Deo & à nobis fiunt, ab eo tamen PRIVS NATURA. Denique cap. 18. agens de concursu Dei ac actus malos & peccaminosos, hæc scribit: *Haud equidem diffidentur Theologi, entitatis (ita vocant) quæ est peccatum, Deum esse causam, eò efficiencia genero quò cuncta animantia & inanima ad suas naturales actiones permovet. Quæ verba non possunt intelligi nisi de præmotione physica, cùm agentia naturalia & rationis expertia motionis moralis capacia non sint. Nemo igitur (nisi velit tenebras Soli offendere, & ut aiunt, in meridiæ cœcutiare) potest revocare in dubium, Dominicum Soto docuisse concursum præviu[m], seu physicam præmotionem, in ipsis libris de natura & gratia, quos in Concilio Tridentino edidit, & Patribus in sexta & septima Synodo collectis dicavit. Qui libri fueru[c] cum laude à Legatis Concilij approbati; inò & ipse Soto, ob insignem in propaganda fide, fugandisque Hæreticis ardorem, illustri meruit stemmati à Tridentini Patribus, donari, flammæ scilicet è diuarum manuum conjunctione erumpentis, cum hac Epigraphe: FIDES QVÆ PER DILECTIONEM OPERATVR.**

Nec quempiam movere debet, quod idem Author eodem libro i. de natura & gratia cap. 15. docere videtur, liberi arbitrij consensum esse causam cur gratia sit efficax in uno, non vero in altero. Nam ipsem in fine commentariorum super lib. 4. sententiaram, id exponit de causa solum materiali & dispositiva, & ait: *Quamvis*

Tom. III.

A. causa prior efficiens qua nos convertit, sit motio Dei præveniens, tamen dispositio materialis (quæ hoc modo dicitur causa) est assensio nostra. Sic u[er]i causa efficiens præveniens cur fenestra aperiatur, est aer intrans, & causa materialis cur aer intrat, est quia fenestra aperiatur.

DISPUTATIO VII.

De Fruitione.

Ad questionem 11. Divi Thome.

POST QVAM D. Thomas egit de motivo voluntatis, & modo quod movetur, prosequitur tractatum de actibus humana[n]is, & dissertat prius de fruitione, quā de intentione; qui ordo videtur præposterus, sed necessariò commutatus: cū enim finis possit considerari dupliciter, primò absolutè & secundū se, secundò ut est terminus alicuius in ipsum relati; & tam simplex volitio, quā fruictio, attingat illum sub prima ratione, intentio vero sub posteriori; prius videtur agendum de simplici volitione & fruitione, quā de intentione, utpote habente objectum minus simplex, & minus absolutum. Pauca autem circa hunc actum occurruunt dicenda: unde sit

ARTICULUS UNICVS.

Quid sit Fruictio?

S. I.

Quibusdam premissis, referuntur sententia, & vera eligitur.

PRo resolutione hujus difficultatis, nota ad fruendum quacumque re, hæc tria esse necessaria, amare, possidere, & gaudere, seu delectari: nam si quis amat, & nullo modo possidet, desiderare poterit, sed non frui: item qui amat & possidet, si non delectatur, non fruatur; qui enim v. g. sumit potionem amaram quam appetebat, non fruatur, quia ex ejus sumptu ne nullam percipit delectationem. Quæritur ergo, in quonam ex his tribus formaliter & essentialiter consistat fruictio, an in possessione objecti concipiatur, vel in ejus amore, aut in gudio seu delectatione quæ ex illius amore & possessione resulat?

Soto in 4. dist. 49. quæst. 2. art. 4. loquens de fruitione Beatorum, dixit esse ipsam consecutionem objecti beatifici, qua sit per claram Dei visionem, atque adeò esse actum ab intellectu elicito; ad voluntatem autem pertinere solum per modum objecti. Fayet Augustinus libro de moribus Eccl. cap. 3. ubi sic ait: *Quid est aliud frui, quā præsto habere quod diligis?* Scotus vero in 1. dist. 1. qu. 3. docet fruitionem essentia[liter] in amore consistere, propter verba ejusdem Augustini 1. de doct. Christ. cap. 4. dicentis: *Fru[itu]s est amore inherere alicui rei propter seipsum.* Cajetanus autem, Capreolus, & alij Thomistæ existimant fruitionem formaliter in gudio seu delectatione sitam esse, sequi tamen ex amore & præsencia rei amatæ.

Z ij

Dico ergo, fruitionem propriam nec esse posse. A finem seu consecutionem obiecti concupiti, neque ejus amorem, sed delectationem, ex amore & praesentia rei amatæ causatam.

Probatur primò ex Augustino libro 8^o, quæstionum qu. 30. ubi dicit: *Frui dicimus eare de qua capimus voluptatem*. Et 10. de Trinit. cap. 10. *Fruimur rebus cognitis, in quibus voluntas delectata conquiescit*. Item S. Thomas supra qu. 4. art. 3. ait: *Fruitio est quies amantis in fine amato*: At hac quies est delectatio, ut docet ibidem art. 1. Ergo fruitio in delectatione consistit. Unde quando Augustinus locis citatis videtur illum in possessione vel amore obiecti constitueret, loquitur in scissu tantum causalí, non autem formalí. Eodem modo interpretandus est D. Thomas dum ait h̄c art. 1. *Fruitio pertinet videtur ad amorem vel delectationem*: sub disjunctione enim locutus est, ut innueret fruitionem tam ad amorem quam ad delectationem pertinere; ad amorem quidem causaliter; ad delectationem verò formaliter; & hoc utroque modo acceptam ad voluntatem spectare, quod erat præcipuum ejus intentum.

Probatur secundò ratione quam insinuat h̄c art. 1. Fruitio derivatur à fructu, quia sicut fructus est id quod ab arbore ultimò expectatur, & cum quadam dulcedine & delectatione percipitur; ita fruitio est quid ultimum quod in re expectamus, & quod cum quadam suavitate percipimus: At h̄c apprime delectationi convenient, & potiori jure quam cùcumque alteri actui; nam delectatio est ultimum quod in re expectamus, priùs siquidem est quod rem amemus ac desideremus, postea quod illam consequamur, & tandem in ejus possessione quiescamus ac delectemur: ipsa enim quies seu delectatio, semper habet dulcedinem & suavitatem adjunctam, non verò amor & possitio: Ergo fruitio consitit formaliter in delectatione, non verò in amore, vel consecutione.

Confirmatur: Fruitio est actus voluntatis, ut docet D. Thomas supra in introductione quæstionis 8^o, ubi ponit tres actus à voluntate elicitor, qui verantur circa finem, scilicet velle, frui, & intendere. Et h̄c art. 1. sic concludit: *Vnde manifestum est quod fruitio est actus appetitive potentia*: Atqui possidere non pertinet ad voluntatem, sed ad eam potentiam quæ tenet bonum amatum, sive illa intellectus sit, sive lensus; unde in tractatu de beatitudine ostendimus claram art. 2. Dei visionem esse ejus consecutionem: Ergo fruitio in possessione seu consecutione obiecti formaliter non consistit. Idem dicendum de amore: tum quia frui est capere fructum à re, amor verò solum dicit pondus in rem amatam: tum etiam quia amor per se abstrahit à consecutione, & ejusdem rationis est, sive delectatio adsit, sive non adsit. Unde egregiè Caietanus h̄c art. 1. *Cum dicimus: fruor cantu, id non significat, amo cantum, sed delectationem percipio de cantu*. Negue cùm dicitur: *veni fruamur cupitis amplexibus*, Proverb. cap. 1. *invitamus ad anandum, sed ad delectationem percipiendam*. Et Paulus cùm Philemoni dicit: *Ego te fruar in Domino: non, ego te amabo, sed, ego de te delectabor in Domino, sonat*. Ergo frui formaliter & propriam non est amare, sed delectari.

Obijcties cum Scoto: Fruitio est actus à voluntate elicitus: Sed delectatio, sive gaudium, non est actio, sed passio: Ergo fruitio non est de-

lectio. Probatur Minor primò: quia D. Thomas infra qu. 31. ar. 1. ad 1. dicit quod h̄c propositio, *delectatio est operatio*, non est per essentiam, sed per causam. Secundò, quia tristitia, contraria delectationi, non est actio, sed passio: contrariorum autem eadem est ratio. Tertiò probatur eadem Minor: quia sicut tristari non est in nostra potestate, sic nec delectari: Sed essent in nostra potestate, si essent actiones: Ergo tristitia & delectatio non sunt actiones, sed passiones.

Respondendo concedo à Majori, negando Minor: delectatio enim est quidam actus vitalis, sicut intelligere, sentire, & velle, ut docet S. Thomas infra qu. 31. art. 2. ad 1. & Aristoteles 3. de anima textu 29. ubi ait: *Delectari esse operari ad bonum*. Ad primam probationem in contrarium respondeo cum Ferrarensi 3. contra gent. cap. 90. Divum Thomam loco citato solum velle, quod delectatio non sit operatio aſſectiva obiecti delectabilis, vel quod non sit operatio præcipue intrena & instituta ad perfectionem naturæ, sed quæ aliam præcipue intentionem comitat, ex illaque resultat, & pullulat, sicut effectus ex sua causa.

Ad secundum dicendum, tristitiam esse operationem delectationi oppositam: unde tam tristari quam delectari sunt in nostra potestate, quando tamen actus ex deliberatione procedentes; sepius tamen sunt motus primi appetitus sensitivi, quia bonum aut malum præsens urget appetitum, & prævenit deliberationem rationis, & libertatem voluntatis. Per quod patet ad tertiam probationem.

S. II.

Corollaria ex dictis.

EX dictis inferes primò, perfectam fruitionem esse solum de ultimo fine: nam ultimum simpliciter ab homine expectatum, est finis ultimus, qui totaliter satiat & quietat appetitum: quia tamen finis intermedius est delectabilis ex se, & terminat motum voluntatis, sub hac ratione aliquam terminat fruitionem & quietem voluntatis. Ita D. Thomas art. 3.

Inferes secundò cum eodem S. Doctore art. 4. quod quia finis ultimus potest duobus modis possideri, scilicet perfectè in re ipsa, & imperfectè in spe, duplex potest dari illius fruitio; una perfecta, quæ habetur in patria deo clarè viro; alia imperfecta, quæ habetur h̄c in via deo per spem & amorem imperfectè possesso, de qua dixit Apostolus ad Roman. 12. *Spes gaudentes*.

Quæres, an istæ fruitiones specie inter se differant?

Respondendo probabilius esse illas esse ejusdem speciei, & differre solum accidentaliter: Tum quia Divus Thomas h̄c art. 4. non aliam distinctionem ponit inter has fruitiones, quam quæ est inter perfectum & imperfectum; quæ autem hoc modo distinguntur, sunt ejusdem speciei, ut patet in puerō & viro: Tum etiam quia istæ fruitiones versantur circa idem bonum, & solum differunt penes diversum modum illud habendi & possidendi, in re scilicet & in spe: Hoc autem non pertinet ad principium specificativum & essentiali gaudij seu fruitionis, sed ad conditionem requisitam, seu modum se tenentem ex patre agentis vel appetitentis, ut colligitur ex eodem S. Doctore ibi-

AD INTENTIONEM


181

dem in resp. ad 2. Unde sicut charitas via & patræ sunt ejusdem speciei, licet objectum charitatis via sit obscurè cognitum & absens, charitatis verò patriæ clare visum, & præsens; ita fructus viae, & patriæ; quemadmodum enim objecto charitatis accidit esse obscurè vel clare cognitum, absens vel præsens; ita & objecto fructus esse habitum in re, vel solùm in spe, & esse cognitum clare vel obscurè.

^{II.} Dices, Fructus viae & patriæ elicuntur à virtutibus specie diversis, nempe à spe, & à charitate: Ergo specie inter se differunt.

Sed nego consequentiam: quia non sunt actus primarij, sed secundarij illarum virtutum, ac proinde non opus est, ut eandem quam spes & charitas habeant distinctionem.

^{III.} Querunt etiam hīc aliqui, quodnam sit objectum immediatum fructus, seu delectationis Beatorum in patria, an Deus clare visus, vel ipsa visio beatifica? Sed de hoc fūst̄ egimus in tractatu de beatitudine.



DISPUTATIO VIII.

De Intentione.

Ad questionem 12. D. Thome.

Postquam actum est de fructione, sufficiat agendum de intentione, quæ est aliud actus voluntatis circa finem; prior quidem fructione, ordine generationis, sed posterior, ordine dignitatis.

ARTICULUS UNICVS.

Cuius potentia actus est intentio, & quodnam illius objectum?

Dico primò, Intentionem esse formaliter actum voluntatis, licet presupponat actum intellectus.

^{1.} Probatur prima pars ratione D. Thome hīc art. 1. ex nominis ethimologia desumpta. Intendere enim, ut nomen sonat, est in finem tendere: Sed proprium est voluntati tendere in finem: Tum quia voluntas fertur in res secundum quod sunt in seipso à parte rei, & ita propriè qualiter extra seipsum ad illas tendit; intellectus verò fertur in res prout sunt in ipso, ratione specierum intelligibilium, unde potius eas ad se trahit quam tendat ad illas: Tum etiam, quia tendere in finem, primò & principaliter est illius potentiae, quæ seipsum & omnes alias movet in finem, quod convenit voluntati, ut suprà dictum est: Ergo intentio, formaliter loquendo, est actus voluntatis.

^{2.} Quod autem presupponat actum intellectus, patet: quia voluntas cum nunquam operetur nisi presupposita cognitione intellectus, juxta illud, *nihil volitum, quin præcognitum*, non tenet in finem per media obtinendum, nisi intellectus proponat finem in ordine ad media, coramque proportionem cum fine: Ergo intentio necessariò supponit actum intellectus, quo cognoscatur proportio mediorum cum fine, seu finis

A in ordine ad media. Et ratione hujus actus presuppositi, nomine oculi vel luminis in Scriptura designatur, ut notat D. Thomas hīc art. 1. ad 1., dicens, *Intentio nominatur oculus metaphoricè, non quia ad cognitionem pertinet, sed quia cognitionem presupponit, per quam proponitur voluntati finis ad quem movet, sicut oculo prævidemus quo tendere corporaliter debemus.* Eodem modo explicandus est D. Bernardus, dum in sermone de tripli judicio ait: *Cognitio in memoria est, affectio in voluntate, intentio in ratione consistit:* loquitur enim de intentione, quantum ad id quod presupponit, non verò quantum ad id in quo formaliter consistit.

Dico secundò, objectum formale intentionis esse finem, tam ultimum, quam non ultimum, ut per media obtinendum.

Prima pars est D. Thome hīc art. 3. ubi ait: *Intentio non solum est finis ultimi, sed etiam finis medijs.* Idque pater, tum ex communi Philosopherum moralium ac Theologorum sententia, qui ponunt in voluntate actum intentionis circa particulares fines, ut circa sanitatem acquirendam, peregrinationem faciendam, aut quid simile: Tum etiam ex differentia quæ reperitur inter intentionem & fructuonem. Nam ut notat S. Doctor hīc art. 2. ad 3. intentio se habet ad finem per modum cuiusdam motus & tendentia: motus autem & tendentia nedum versantur circa finem seu terminum ultimum, sed etiam circa proximum & intermedium, ut patet in motu naturali; cum enim ignis v. g. tendit in suam sphærā, per medium regionem aëris, sphæra ignis est ultimus terminus motus, & media regio est terminus non ultimus, seu intermedius: Ergo intentio est de utroque fine seu termino, ultimo & intermedio. Ceterum cum fructu versetur circa finem, per modum quietis; quies autem non sit, nisi quando cessat motus; & motus non cesset, nisi acquisito ultimo termino; ideo vera & perfecta fructu non est nisi de ultimo fine, qui est ultimum simpliciter ab homine expectatum.

Secunda verò pars, quæ asserit objectum formale intentionis esse finem, ut per media obtinendum, patet ex discrimine quod inter intentionem & simplicem volitionem invenitur: simplex enim volitus respicit finem, ut absolutè in se bonum; intentio verò est ratio volendi media, & quatenus est assequibilis per illa, unde est virtualis volitus mediorum.

Ex quo habes, tres actus voluntatis jam explicatos, nempe simplicem volitionem, intentionem, & fructuonem, distinguuntur specie: quia licet omnes respiciant finem tanquam rationem materialē, ad ipsum tamen sub diversa ratione formaliter jam explicata terminantur; unde habent ut in lapide appetere centrum, tendere actualiter ad centrum, & quiescere in centro, quæ, ut constat, sunt essentialiter distincta.

Quæres, utrum voluntas possit eodem actu ferri in finem & in media?

Respondeo cum D. Thome hīc art. 4. voluntatem duobus modis posse ferri in finem & in media: primò ita ut quodlibet eorum attingat ut quod, primariò, & per se; & sic non possunt unico actu attingi, sed necessariò terminant duos actus specie diversos, nempe intentionem, quæ primò & per se fertur in finem, & electionem quæ ad media primò & per se terminatur. Secundò voluntas potest attingere unum prima-

Z. iii